



## МЕСЯЦА ОКТЯБРЯ В 30-Й ДЕНЬ

**Святаго священномученика Зиновія,  
епископа Егѣйскаго,  
и святыхъ мученицы Зиновіи, сестры его**

На Господи, воззвах: стихиры, глас 4.

Подобен: Яко добля:

**Мучения кровию одежду твою, Зиновіе, обаг-  
рив, славне, / совершил еси священнейшу  
благодатию, / с неюже вшел еси, яко мудр архи-  
ерей, во святая святых; / жертва непорочна, тебе  
ради пожершемуся, / и совершенное приношение  
пречисто принеслся еси, священнейше.**

**Стру́жему телеси, / душѣ светлейшая доброта,  
показавашеся краснейши, / священномучениче  
Зиновіе, Богомудре пребогате, / иерархов доброта,  
страдальцев хвала, / чудес же присный источ-  
ник, / духовъ нечистыхъ прогонитель, / Христовъ Бо-  
жественный поборник.**

**Спострадати тебе произволи сестра / едино-  
мудренная тебе, Зиновія, премудре, / яже едино-  
кровная твоя, / конобов бо врѣния мужески  
претерпеваше, / огня прещѣние и нуждную  
смерть. / Темже улучи с тобою венцы победы и  
Вышнее Царство, / священнотаинниче Зиновіе.**

Слава, глас 6. Иоанна монаха:

**Песенный лик восплѣщим днесъ, / о  
мучениколюбцы, / в памяти всеблагочестивыхъ  
страдалецъ Зиновія и Зиновіи, / сїи бо Троицы  
быша поборницы / и на трїзници мужески неви-  
димаго врага / честною своею кровию удавиша, /**

и победы венец славно прияша./ Темже к ним возопийм:/ сопрúже святыи,/ Господу благословенная двоице и просвещенная,/ Спаса моли о душах наших.

И ныне, Богородичен или Крестобогородичен.

Подобен: Тридневен

На Древе Жизнь нашу зрящи, Всенепорочная Богородица, висящу,/ матерски рыдаючи, вопияше:/ Сыне Мой и Боже Мой,/ спаси любовь поющая Тя.

Тропарь, глас 4:

Мученицы Твои, Господи,/ во страданиях своих венцы прияша нетленные от Тебе, Бога нашего,/ имуще бо крепость Твою,/ мучителей низложиша,/ сокрушиша и демонов немощныя дерзости,/ тех молитвами/ спаси души наша.

Слава, и ныне,  
Богородичен или Крестобогородичен.

#### НА УТРЕНИ

Оба канона Октоиха и святых на 4.

Иосиф. Глас 8.

Песнь 1

Ирмос: Песнь возслém, людие,/ чúдному Богу нашему,/ свободившему Израиля от работы,/ песнь победную поюще и вопиюще:/ поим Тебе, Единому Владыце.

Престолу предстоя Христову яко иерей благоприятен и мученик изряднейший,/ Зинóвие треблаженне,/ яже любовь чествующая твою память светоносную,/ житейских избави соблазнов.

Зарю просвещаемь, мудре, Трисолнечнаго Сияния,/ мглу разорил еси ёллинскаго злословия и, светом твоих словес вся просветив,/ ныне прешел еси к незаходимому сиянию.

Угль явлён мысленный,/ огнём вжигаемь Божественнаго Духа, всех сердца вжегл еси к желанию Божественному, священнотаинниче,/ и прелесть попалил еси всяку.

Богородичен:

Радуйся, пресвятыи храме, руно Богоросное,/ запечатанныи источниче, безсмертия струя./ Паству Твою, Владычице, сохрани от всех сопротивных невоевану.

## Песнь 3

**Ирмос:** Страх Твой, Господи, / всади в сердца раб Твоих / и буди нам утверждение, / Тя во истине призывающих.

**Миром** помáзания духовнаго помáзан, Зиновие, / священствовал еси, яко Ангел, / мученическими при кончине украсився венцы.

**Душ** прирадение прием, / возделанием Божественным, преподобне, плодоносны сий показал еси, / темже Господни радости сподобился еси.

**Сестра** единокровная твоя тебе единомудрена показалася, / Зиновия священнейшая, / спострадати бо тебе произволи и с тобою насладитися славы вечныя.

**Богородичен:**

**Троицы** Единаго родила еси, в человечество облекшася, / Пресвятая Мати Дево: / Егоже моли спасти Тя воспевающаяия.

**Седален, глас 1.**

**Подобен:** Гроб твой:

**Миром** честным помáзан, явился еси, преблаженне, иерей Бога Вышняго, / Имже укрепляемь, иерарше Зиновие, / мученик был еси и согражданин Ангелов. / Темже днесь, все святую память творяще, поем тя.

**Слава, и ныне, Богородичен:**

**Безвестная** Чистая Богородице Дево, / единая верных Предстательнице и покрове, / бед и скорбей, и лютых обстояний всех избави, / на Тя упование, Отроковице, имущих, / и души наша спаси Божественными молитвами Твоими.

**Крестобогородичен:**

**Зрящи** Тя, Христе, Всенепорочная Мати, / мертва на Кресте простерта, вопияше: / Сыне Мой, Собезначальне Отцу и Духу, / что неизреченное Твое сие строение, / имже спасл еси пречистых рук Твоих, Щедре, создание.

## Песнь 4

**Ирмос:** Всел еси на кони, апостолы Твоя, Господи, / и приял еси рукама Твоима узды их, / и спасение бысть еждение Твое / верно поющим: / слава силе Твоей, Господи.

**Возвышен** явился еси страданиям честными, священнейше, / и приял еси венцы победы, муд-

ре, и вечное получил еси радование, / тем ты почитаем, отче иерарше Зиновие.

**На Древе Простершемся** волею подобяся, воздвигся, / не ужаслся еси, Зиновие, и тления, славне, и умерщвления дебелства совлеклся еси, отче, / священников похвало.

**Душа** твоя крепкая дѣмонская утверждения низложѣ, / кáпища же разседóшася, твердѣйшею верою твоею потребляеми, / Зиновие славне, священномучеников похвало.

**Богородичен:**

**Станным** Твоим Рождеством от Бога устранившаяся к Нему присвоила еси, Всепетая. / Темже велегласно Ты вси славим и вопием Ти верою: / радуйся, земнородных воззвание.

**Песнь 5**

**Ирмос:** Вскúю мя отринул еси / от лица Твоего, Свете незаходимый, / и покрыла мя есть чуждáя тьма, окаяннаго, / но обрати мя и к свету заповедей Твоих / пути моя направи, молюся.

**Женское** естество Духом укрепѣйся и попрá, иже в рай праматерь древле запѣншаго, / и Божественныя славы на Небесех сподобися, / девством и страданьми сияющи.

**Тучерóден** облак бысть язык твой, / яко одождяюще благочестия дождь, / и верных сердца напаяюще / и к благоплодию священнодействованне путеводяще добродетельных, Зиновие, деяний.

**Девства** зарями сластолюбия тьму отгнала еси / и светом страданий безбожия ночь потребила еси, / Зиновие мученице, Иисусова красная невесто, жилище Божественнаго Духа.

**Богородичен:**

**Греха** тяжким всегда обложен есмь бременем, Пречистая, / и вопию Ти: сие ходатайством Твоим Божественным облегчи, / Ты бо еси Предстательница грешников препрославленная, / Избавителя и Спаса рождши.

**Песнь 6**

**Ирмос:** Молитву пролию ко Господу / и Тому возведу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

**Молитва** Божественныя душѣ твоеѣ пріята бысть, яко кадило, отче:/ в воню бо благовонія, преблаженне, страданій, Зиновіе, потекл еси,/ Возсіявшаго от Жены и всю тварь Просвещшаго.

**Кровию** страдания, блаженне, освятил еси зѣмлю,/ дух же на Небеса возшед, первородных Церковь Божественне уяснѣ, Зиновіе,/ иерархов и мучеников светлая похвало.

**Утеснѣл** еси нечестіе, блаженне, пространством истиннаго благочестія/ и путѣ, в сіе ведущія, заблуждшим людем показал еси,/ и спасл еси люте потопляемыя прелести водами.

**Богородичен:**

**Украси** дѹшу мою, Дево,/ безобразіем страстѣй одержимую,/ и помышленьми истиннаго покаянія окаянное сердце мое утверди,/ и спаси мя, на Тя несомненно, Дево, надеющагося.

**Кондак, глас 8.**

**Подобен:** Яко начатки:

**Истины** свидетели и благочестія проповѣдники,/ двоицу достойно почтим в Богодухновенных песнях,/ Зиновія вкупе с мудрою Зиновіею,/ купно жившія и отшедшія/ и мученіем приимшія венец нетленный.

**Икос:** Дѹбляго и великаго Зиновія песньми и пении восхвалим/ с доброю девою и нескверною Зиновіею,/ сущею сострадалицею,/ яко низложиша вражія сверѣпства/ и ідольское безбожіе обличиша,/ веру же Христову уясниша./ Темже радостно пріяша ныне венец нетленный.

**Песнь 7**

**Ирмос:** Отроцы еврейстии в пещи/ попраша пламень дерзновенно/ и на рѹсу огонь преложиша, вопиюще:/ благословен еси, Господи Боже, во веки.

**Течении** кровными погасѣв, всеприснопамятне, огонь безбожія,/ чудесы нас всегда орошаеши дождѣм, Зиновіе,/ Владыку благословящія:/ благословен еси, Господи Боже, во веки.

**В** Божественный мрак вшед, Невидимаго, яко мощно, видел еси,/ дѹшу и ум просвещающа твою, мучениче,/ благочестивомудренно поющаго:/ благословен еси, Господи Боже, во веки.

**Дает тебе честь Владыка, пострадавшу твердо / и низложившу козни вражия, и поющу велегласно: / благословен еси, Господи Боже, во веки.**

**Богородичен:**

**Место, Дево, явилася еси священия, / из негоже Бог явился, освящая ны верою, песнопоящия: / благословен, Пречистая, Плод Твоего чрева.**

### Песнь 8

**Ирмос: Богोगлаголивии отроцы в пещи, / со огнем пламень попирающе, пояху: / благословите дела Господня Господа.**

**Не убоялся еси меча, иерарше, / не утрашился еси бед, не ужаслся еси смерти, / безсмертныя ты славы показующия причастника.**

**Священнодействовеник таин показался еси / и, себе освятив, жертва благовонна был еси, / и Вышния трапезы, Зиновие, достоин.**

**Чудодействы сияя, иерарше, / мученическими лучами светло облистал еси / и мрак прелести до конца отгнал еси.**

**Богородичен:**

**Не земледеланный Грозд заченши, / источающъ вино, Дево Мати, / оставления страстей мя пьянства измени, молюся.**

### Песнь 9

**Ирмос: Утрашился всяк слух / неизреченна Божия низхождениа, / яко Вышний волею снїде даже и до плоти, / от Девическаго чрева быв Человек. / Темже Пречистую Богородицу, вернии, величаем.**

**Стоял еси пред судїлици, преславне, мучителей, / воплощение светлым гласом проповедуя Вседержителя / и страдания Его, Крест, и смерть, и Воскресение, / имже спасе ны яко Человеколюбец.**

**О чудесе! како с плотию безплотныя врагї победї; / како низложї немощию многокозненнаго; / како с Небесными служители совокупитися земный подвигся; / егоже чтуще, благочестно величаем.**

**Телеса, мученицы честнїи, ранам различным различне предасте, / взирающе к вечному блаженству, / братскою бо любовию друг другу**

связани, мученическими добротами просветитесь, / темже убожааетесь.

Память днесь ваша, светозарением сияючи Духа, всем просия, / чудес благодать облистаючи и врачеваний реки обильно точащи, / юже празднующе, блажим вы, Христовы мученицы.

**Богородичен:**

Просвети, Двере светла, сердца моего очи, молюся, / далече отгоняючи греха тьму тяжчайшую от окаянная моея души, / да величаю Тя, да славлю Тя, да любовью Тя пою, Всепетую.

**Светилен.**

**Подобен: Жены услышите:**

О чудесе! како перстни, злати естеством, явишася, / ибо ни огонь, ниже меч, ниже зверей зубы, / ни муки, ни раны сих повредиша, / но в плоти безплотнаго низложивше, / Господу о нас молятся.

**Слава, и ныне, Богородичен:**

Страшно предстательство Твое, Марие Богокрасная, / и страшна Твоя слава всей земли, Богородице, / Тобою бо ныне хвалимся, / Тя и Ходатаицу имуще к Сыну и Зиждителю Твоему, / и неусыпную молитвою Твоею спасаемся вси.

В  
ТОЙЖЕ  
ДЕНЬ



## Празднование Пресвятёй Богородице иконы ради Ея Озерянския

**НА ВЕЛИЦЕЙ ВЕЧЕРНИ**

На Господи, возвах: поставим стихов 8  
и поем стихиры во глас 8:

Твоим благодеянием и чудесем, Владычице, / оскудения несть и не будет; / веком бо многим переходящим и христианскому языку во вся страны мира расселяющуся, / повсюду нова знамения от Твоих святых икон умножаются, / и человеческая сердца умиления исполняются. / Убо и днесь на Твое славословие собранныя люди благослови, / и тех прими смиренныя молитвы, / и прощение согрешений наших у Сына Твоего испроси, Милосердая Мати.

**Архангел Гавриил, от негоже Пречистую Деву восхваляти научихомся, / да предстанет ликостоянию нашему, / вкупе же праведная Елисавет с нами да возгласит: / благословена еси в женах, Богородице, и Твоего чрева Плод благословен есть, / Егоже умоли, Владычице, / даровати душам нашим мир и велию милость.**

**Зрак лица Твоего, о Владычице, / сїце вопиет людем: / приидите, христороубцы и праведнии, / духовную жажду сердец ваших славословием Бога утолите; / приидите, грешнии и маловѣрнии, своих очес к Нему возвести не смѣющии, / и Моего предстательства пред Ним просите дерзновенно, / несть бо греха, Мою милость от кающихся отгонящаго; / приидите, и надежду спасения вам возвращу / и дарую душам вашим велию милость.**

**Твоего милосердия неизслѣдимую бездну вѣдуще, Владычице, / аще и язвы грехов многих носим, / пред Твоим чудотворным образом умиленно себе повергаем / и в покаянии Тебе вопием: / аще и ни единого глагола ко оправданию дел наших ѡмамы, / но Твоих чудотворений памятию сердца наша слезами покаяния согреваем, / еяже ради подаждь нам согрешений прощение / и душам нашим велию милость.**

**Слава, и ныне, глас 2:**

**От перваго Христова чудесе, / еже на браце в Кане Галилейстей, / Богородичо предстательство о людех начѣнся, / до Втораго и страшнаго не престанет пришествія. / О, милости неизречѣнныя! / О, снизхождения благоутробнаго! / Како Чистая Голубица смрадных грешников не возгнушается? / Како тех въздыхания мѣтерски приемлет? / Дерзайте убо, братие, и моленія ваша к Ней умножайте; / есть бо наше защищение Пресвятая Дева, / егоже врази одолети не могут, / яко Той послушает Христос Бог и Спас душ наших.**

**Паремии Богородичны (зри страницы 6—7).**

**На литии стихира, глас 1:**

**Подобѣше Озерянскому Владычицы нашея образу / посреде великаго града Харькова**



утверд́итися, / да множество людей То́я подно-  
жию поклоня́тиса навькну́т / и жития своего  
исправлению науча́тся, / сказанию зде бывших  
исцелений внемлюще / и о милосердии Пресвятыя  
Богородицы помышляюще; / к Нейже и ныне  
возопиим, глаголюще: / о Пречистая Дево и Мати, /  
Твоих рабов моления не отве́ржи, / но немощи  
наша предстательством Твоим исцели, / от нужд  
молитвами Твоими нас изведи / и даруй нам  
прежде конца покаяние.

На стиховне стихиры, глас 2.

Подобен: Доме Евфрафов:

**Что** дивиши́ся, челове́че, / разсече́нную обрёт  
некогда икону, что смущаеши́ся, / паки бо силою  
Божиею сию сраще́ну ўзриши.

**Стих:** Помяну́ имя Твое/во всяком роде и роде.

**Из** до́му человека того образ Владычицы паки  
нощию исчезает / и по ўтру в дубраве древесней  
обретается, / идеже вчера косою усече́ся.

**Стих:** Слыши, Дщи, и виждь, / и приклони ухо  
Твое.

**О,** превелие чудо! / разсече́нная икона паки  
зрится сраще́на, / к нейже рука человеческая  
прикоснутися не можа́ше.

Слава, и ныне, глас 8:

**Молитвы** вознося и благодарныя изливая  
слезы, / селяни́н Богородичну обрёт икону, / сию  
ко иерею приносит, / и радости вси людие испол-  
няются / и исцелений многих пред святынею  
сподобляются; / тако бо Господь Свою Пречи-  
стую прослави Матерь, / и новое жительство  
христиан верою укрепи, / и место пребывания  
святыни в род и род прослави.

Тропарь, глас 3:

**Твоего** предстательства увере́ние / и милосер-  
дия Твоего явление / икона Озерянская нам,  
Владычице, показася; / пред неюже души наша в  
молитве изливаем / и верою Тебе вопиим: / воззри,  
Милосердая, на люди Твоя, / вся скорби наша и  
печали утоли́, / утешение благое в сердца наша  
низпосли / и спасение вечное душам нашим,  
Пречистая, испроси.

## НА УТРЕНИ

На Бог Господь: тропарь, дважды.

Слава, и ныне: и паки тойже.

По 1-м стихословии седален, глас 2:

**Икону Владычицы, своею косою разсеченную, узрѣв, смиренный муж / сию в дом свой прерадостно вносит, / во ўтрие же паки на месте обретенія ея сращѣнную приемлет, / и чудо Богородицы всем проповедует.**

Слава, и ныне, тойже.

По 2-м стихословии седален, глас 3:

**Возлюбила еси нищету смиренную, о Владычице, / и святыню Твою труднику убогому вручила еси; / той же сию церкви людстей предав, со апостолом вся богатѣй явился; / с нимиже и нашего не отвержи моления.**

Слава, и ныне, тойже.

По полиелеи седален, глас 6:

**Кую похвалу принесем Ти, Богородице? / Кое ли сплетем Ти славословие? / Зане, кроме трудов или подвигов наших / посреде града сего источки исцелений источила еси пред Твоею иконою молящимся людем; / ихже и днесь услыши молитвы, и на благая деяния, Пречистая, всех настави.**

Слава, и ныне, тойже.

Прокимен и Евангелие Богородице общии.

По 50-м псалме стихира, глас 8:

**О, дивнаго чудесе! / оскудевшей во дни наша вере, чудеса от Богородичныя не оскудевают иконы, / ниже умолкают благодарнии исцеленных гласи. / К сим и наша приобщим благодарения, братие, / и победы над страстьми у Владычицы испросим / и душам нашим велия милости.**

Канон, глас 3.

Его же краестрочие: Блаженно чрево, носившее Тя, и сосца, яже еси ссал. Ирмос по дважды, тропари на 8.

Песнь 1

**Ирмос: Песнь новую поим, людие, / от Девы Рождшемуся во спасение наше / едино Сотворшему с Небесными земная, / яко прославися.**

**Богородице Пречистая,** / молитву смиренных  
сердец наших прими, / паче же Сама научи нас,  
о нихже подобает просити / и ѿиже словеси  
пети Тя, Пренепорочную.

**Людие Божии сытости похвалé Твоей не ѿмут,**  
Богородице, / но умиленным славословием чудес  
Твоих присно питающеся, / велие утешение тем  
приемлют.

**Ангели Твою чистоту воспевают, Владычице;** /  
нам же, человеком, помози́ Твое заступление  
присно поминати / и чудеса от святых иконы  
Твоея повéдати.

**Житие трудолюбивое проводя,** / на делание  
изыде препростый муж, / внезапу же изображение  
Божия Матере зрит, косою его разсечённое, / и сие  
со благоговением в дом свой приносит.

**Еще спящу человеку тому,** / святая икона  
Владычицы разсечённая чудесно срастется и па-  
ки на место явления своего пренесётся, / еже  
видевше, людие Божию Матерь прославиша. / С  
ними и наши, о Владычице, молитвы прими  
милостивно.

**Катавасия по уставу. Песнь 3**

**Ирмос:** Лук сокрушил еси вражий / и щиты́ стерл еси  
крепостию, Владыко Христе, / утверждение наше; / Свят  
еси, Господи.

**Несомнённая веры исполнен, иерей Феодор** /  
всеблагоговейно икону Владычицы в новосоз-  
данном поставляет храме, / и множества людей  
тамо притекати абие навько́ша; / днесь же свя-  
тыня сия пред очесы нашими зрится / и умиления  
сердца́ наша исполняет.

**Не остави нас, Богородице,** / нечистыми стра-  
стемй влáяться, / не остави в беззаконных наших  
погибнути, / но молящихся Тебе житие свое испра-  
вити научи / и Твое милосердие воспети до-  
стойно.

**Оному иерею Феодору** / Богородица настави-  
ца бысть; / Ея бо ра́ди чудотворнаго образа оби-  
тель иноков устрои / и сам во Ангельском образе  
житие свое скончава́ет. / Потщимся убо, о братие,  
тояже иконы поклóнницы, / себе самéх в волю  
Божью присно предава́ти.

**Человеков молитвы/ и Ангелов славословие, Владычице, приемлющи,/ и моего убогаго не отврати моления, скорбь души моя утоляющи,/ паче же терпение в скорбех присно мне подающи.**

**Седален, глас 5:**

**Молитв, яже о нас, присное устремление,/ и грешных прибежище несумнённое,/ и праведнаго гнева Божия отклонёние познахом Тя, Богородице Дево;/ убо и на нас долготерпение Твое простри, и грехом нашим прощение испроси,/ и во благих прошения наша исполни, Пречистая.**

**Слава, и ныне, тойже.**

**Песнь 4**

**Ирмос: Странна и неизречённа Рождества Твоего тайна;/ услышах слух Твой и убояхся,/ и, веселяся, вопию Ти:/ силе Твоей слава, Человеколюбче.**

**Различных исцелений чудеса от новоявлённая Твоя иконы, Владычице,/ абие во окрестных странах слышана быша и Святогорския пустыни настоятеля болящаго на обещание подвигоша,/ иже, здравие получив, ко храму Твоему пешешествует/ и обитель иноков со иереем Феодором тамо устроёт.**

**Естество земных тварей от подобнаго себе раждается;/ тако и обитель Озерянская от Святогорския начало прият чудеса Твоя достойно воспевати./ Ныне же обители Куряжская и Покровская сей блаженный жребий прияша;/ мы же, величая Тя, Твоему образу со умилением поклоняемся, Владычице.**

**Владычице Пречистая,/ елика просим днесь от Тебе прияти,/ сия от чудотворная Твоя иконы нам подаждь,/ и немощное наше произволение утверди, и Небесных благ желание в сердца наша всели.**

**Оный муж явления иконы Твоя, Богородице,/ во время делания звания своего сподобися;/ тако бо Господь смиренныя возвышает./ Убо и от нас помыслы гордыни и зависти отжени, Владычице,/ и вышняя почести будущия жизни желати нас научи, Пречистая.**

**Нашему спасению буди, Богородице, ходатаица и наставница,/ но и телесныя нужды и**

болезни наша исцели;/ занè, маловерни и нетерпеливи суще, помыслы уныния в бедáх наших влаéмся/ и наипаче терпения дар у Бога просити требуем.

### Песнь 5

**Ирмос:** На земли Невидимый явился еси/ и человеком волею сожил еси Непостижимый,/ и к Тебе утренююще,/ воспевáем Тя, Человеколюбче.

**О**гнь веры в людех Твоих возжжè Твоя, Богородице, икона;/ егда бо вскоре губительная язва на страну нашу найде,/ молящихся пред чудотворным образом Твоим всегда исцеляхуся./ Мы же, тех правнуцы суще,/ благодарную память о сем тёпле сохраняем.

**С**ей убо губительней язве прешедшей,/ чрез сто и паче лет другая пределы Российския земли посетì трикраты;/ ужасом же смятèннии людие к подножию святыни Божия Матере паки припадаху/ и, икону Владычицы во град Харьков приносяще,/ от недуга того исцеление приимаху.

**И**же в бедáх сущии человецы, вèдите,/ яко близ вас избавление верное обретáется,/ аще токмо с верою сие призывать будете, сие глаголюще:/ о Владычице, помози и прости нас грешных,/ о нас милосердовавши.

**В**éмы, Владычице, вемы,/ яко веры исполненная молитва Тобою не отщётится;/ но сиевèрья веры лености ради наша не стяжáхом, аще и стяжати возжелéхом./ Темже и вопием:/ веруем, Пречистая, помози нашему маловерию!

**Ш**ирокий путь жития зле возлюбíхом, Богородице,/ к погибели сыны своя влекущий и веру их сокрушающий;/ но пред святою Твоею иконою предстояще, покаяние о сем приносим/ и помощи Твоя смиренно просим,/ во еже на путь спасения обратитися.

### Песнь 6

**Ирмос:** Селения Ибна,/ еже в преиспòднем áде,/ естественный образ быв, вопияше:/ возведи от тли живòт мой, Человеколюбче.

**Е**стественнаго исцеления отчáявсья,/ увещанию же духовнаго отца своего повинúясь,/ сухо-

рукий некий муж ко иконе Владычицы пешиим издалеча притечѣ хождением;/ и молитва веры болящаго исцели, и бысть рука его здрава,/ душа же хваления Твоего, Богородице, исполнися.

**Е**же ко временному житию потребное вма́ле полезно есть,/ но паче сих о сухости сердец наших восплачем, о братие,/ и исцеления страстей наших просити потщѣмся,/ греховное житиѣ свое ока́явше и Горних даров тепле возжелѣвше.

**Т**воя милости сподобися хро́мый,/ во обитель Твою, Богородице, привезѣнный/ и пред святою иконою Твоею усердную вознесѣй молитву,/ иже абие исцеление от недуга своего приѣт/ и пѣший в дом свой радостно возвратися.

**Я**дом страстей извращѣна ми душа,/ и нозе мои по пути спасения ходити не возмогут,/ аще не Твоим, Пречистая, предстательством благодатную обрящу помощь,/ во еже на путь правый устремити души моя шествие.

**И**сполни ужаса видѣние иконы Твоя, о Владычице,/ бесную некую девицу,/ бесу на хулы сию подвизающую;/ обаче вознесѣнное церковию моление, паче же Твоего предстательства сила,/ абие беса от девы той изгна/ и здраву бывшую на славословие подвѣже.

**Кондак, глас 5:**

**Н**е отрѣни, о Милосердая Мати,/ слез и воздыханий наших,/ но прошения наша милостивно приѣмши,/ пред иконою Твоею молящихся людей веру укрепи,/ умилением сердца их исполни и крест земнаго жития носити им помози;/ елика бо хощеши, можеша.

**Икос:**

**Е**гда Святыя Владычицы наша икона/ во град Харьков на ко́еждо лето приношашеся или паки во ближнюю обитель изношашеся,/ тогда града сего людие, ко проведению святыни устремляхуся,/ благодатным исполняхуся умилением и покаяние теплое о гресех своих приношаху./ Но сицевое покаянное умиление и память чудес, от святыни наша бываемых,/ присно в душах наших подобает хранити нам, о

братие, / и на святую Богородицы икону взирающим глаголати: / крест земнаго жития носѣти нам помози, / елика бо хощеши, мѡжеши.

### Песнь 7

**Ирмос:** Гѡрдый мучитель, но детей бысть игралице. / Якоже бо персть, поправше седмеричный пламень, пояху: / благословен еси, Господи Боже отец наших.

Связаннаго мя страстей насильством / паче беснѣя той девы окаяваю аз; / тая бо неволею власти его предана бывши, муку приимаше, / аз же волею бесѡвское исполняю хотение. / Но, о Владычице, Твоего Сына волю творити научи мя.

Оградѣ, Владычице, мое помышление, / да не хуюлю или злобою во власть демоном предам свою душу, / но сию непрестанныя потщуся исполнѣти молитвы, глаголя: / предстательством Матере Твоея от лукаваго избави мя, / Господи.

Священною водою пред чудотворным Богородицы образом окроплѣн быв, исцеле беснѣй человек, / иже прежде вся люди беснованьми своими зело устрашаше, / по сих же со благоговением и тихостию души благодарение о чудесѣ Владычице принесѣ. / С ним и нас, о Всеблагая, услыши молящихся Тебе.

Церковь, в нейже икона Твоя пребывает, Богородице, / врачевница недугов телесных и душевных является, / веры же учительница и неверия явная обличительница.

Аще тех человек исцеленных толикаго не имам упования и веры, / но покаяния моего ради исцели, Всеблагая, души моя беснование, / и тихость смиренномудрия подаждь моему сердцу.

### Песнь 8

**Ирмос:** Вещественнаго огня пламень / Невещественным увядѣша Богозрѣмѣи отроцы и пояху: / благословите вся дела Господня Господа.

Язык человеческий не возможет изрещѣ, / коликую души наша любовь и умиление вмещают к Тебе, о Всеблагая, ниже бо словесы, ни пѣсньми насытитися возмогут, / но сия слезами радости пред святынею Твоею восполняют.

Жены некѣя две ослепшия юныя дщери, / от земных врачей никоеяже пользы получившия, /

внезапу пред иконою Богородицы прозрѣша, / и от того дне даже до старости здравы пребывающа, / сию икону почитати знаѣмыя увещавáху.

**Евангелием** Христовым обеща́нная верным чудеса видим зде умножа́ющася; / убо и жи́ти евангельски потщимся, братие, / да не прещѣние, Тиру и Сидону Христом предречѣнное, наши нечувственные постигнет дýши.

**Един** по единому приходят сѣмо вернии, / исцеления им бывшая от иконы Богородицы исповѣдающе / и сию златом и самоцветным ка́мением украшающе; / темже и души наши златом добродетелей украсим, / да милостей Пречистыя достойни яв́мся.

**Славу** Божией Матери воздаваше исцелѣнная отрокови́ца, / уже смерть пріяти имущая, / но по внезапнем от иконы сея исцелении память о чудеси до старости хранившая / и вся драгоценныя рясны своя на ризу образа сего приложившая.

### Песнь 9

**Ирмос:** Сладкою пречистаго Твоего Рождества / стрелю́ уязвлѣни, Чистая, / Твоей достожелáнней доброте дивя́щася, / песньми Ангельскими достойно Тя яко Матерь Божию величаем.

**Иже** почитания Богородицы отпадшии, / посрамитесь, еретицы́, / умилѣнное пение Той, от православных возносимое, слышаще; / паче же в чувство пришедше, к нашему сопричт́итесь молению, / да вкúпе Чистую возвеличаем.

**Святым** Своим апостолом обетова́ше Спас, / яко всяк, ближнему своему милость во имя ученика Его творя́й, / своя не погубит мзды. / Сицевы́я, о братие, сугубо сподобитесь, / аще во имя Матере Господни в дѣлах братолюбия подвижати́ся будете, / моление Владычице присно принося́ще.

**Се** рóди земнии ублажают Тя, Владычице, якоже прорекла еси, / и Тобою возносит смиренныя сердцем Христос / и алчущия благ всяческих исполняет, / богатя́щася же и гордыя посрамля́ет. / Темже новый Израиль милости



Твоя, человечеству дарованная, воспоминает / и  
Тя, Пречистая, величает.

Аз един, паче всех грешен сый, / аще и  
чудесем Твоим, Богородице, умиляюся, / но жи-  
тия своего доднесь не исправих; / обаче, якоже  
сúху руку молящемуся исправила еси, / сиче  
изсохшую мою исцели душу, / да Тя непрестанно  
величаю.

Людей мольбы и славословия, / пред чудотвор-  
ным Твоим образом и на всяком месте  
возносимая, / благоутробно, Владычице,  
прими, / и, úзами Твоея любви души наша про-  
рочески связавши, / сия в Небесное привлещи  
Царство, / и тамо Твоему лицу поклонитися  
сподоби.

Светилен.

Подобен: Женѣ, услышите:

Образ Богородицы Озерянский, / чудесно при  
корни дрéвес явился / и многими исцеленьми  
прославився, / днесь на молитву люди  
призывает. / Зри, о душе моя, Матере Божия  
милосердие безмерное, / и одеяние твое  
просвети, / и от скверных дел отвратися навéки.

На хвалитех поставим стихов 4, и поем стихиры во глас 4,  
повторяюще первую:

Святая Твоея иконы поклонение, о  
Владычице, / дúши наша умиляет и радует, / мо-  
литва же, пред нею возносимая, сон от очес  
наших отгоняет / и памятью милости Твоея  
сердцá человеческая любви ко всем исполняет; /  
в нейже утверди нас Твоим предстательством / и  
подаждь рабом Твоим мир и велию милость.

Святых Ангелов чíни и человекóв собори /  
Твое заступление прославляют, Пречистая  
Дево, / Единородный же Сын Твой и Бог наш сие  
с любовью приéмлет / и от молитв Матере Своея  
никоlíже отвратитсѣ; / яже и о нас грешных  
днесь вознеси, Всепетая.

Аще и многими отстúпствы / сынове рода  
нашего гнева Твоего, Владычице, достойни  
явѣшася, / но паче воззри на веру верных и  
терпение; / и якоже Господь грады согрешившыя  
ради десяти праведникóв пощадити обетовáше, /

тако и Ты, о Богомати, немногих ради смиренных Твоих раб многогрешный род наш помилуй, / и к Сыну Твоему о всех нас предстани, / да подаст душам нашим мир и прегрешений отпущение.

Слава, и ныне, глас 2:

Днесь Владычицы чудотворная икона прославляется, / днесь вернии на молитву пред нею отвсюду собираются, / днесь и маловернии помыслии покаяния озаряются, / силы Небесныя о славе Пречистыя радуются, / мы же, яко Ангелом научихомся, тако вопиём: / радуйся, Благодатная, Господь с Тобою, / благословена Ты в женах, / благословено Твое к нам милосердие, / благословен Плод чрева Твоего, слава Тебе.

Славословие великое и отпуст.

На Литургии служба вся Богородице.

Молитва ко Пресвятей Богородице

Суеты житейския возникше и ума своего помысли во едино собравше, ко Твоей, Богородице, иконе очи душ и телес наших воздвигаем и Тебе взываем сице: не остави, Пречистая, нас, немощных, во грехах наших растлеться, не попусти злему демону души наши от Сына Твоего в дебри страстей отгнати, но помози нам Того заповеди присно памятовати, да ниже блудным возбешением себе предаем, ниже друг друга злобою угрызаем, но якоже днесь святыни Твоей предстояще, о исправлении жития нашего ревностию распалиаемся, тако и от храма Твоего в дома своя отшедше, сие доброе намерение сохранить потщимся.

По сих же и телесныя наша нужды утоли, и горести Твоея молитвою исцели, Всепетая. Вемы, яко подобаше нам паче вся сия благодушне претерпевати и точно о терпении в скорбех Господа просити; но понеже изнемогают в печалех души наша и помысли уныния нашу колеблют веру, сего ради в сокрушении сердец к Тебе сице взываем. Якоже безчисленныя болящия страдальцы исцелила еси и скорбящия утетила еси, тако и нас, пред чудотворною Твоею иконою припадающих и в скорби Тебе молящихся,

услыши, и всех прошения во благое исполни, болящим здравие, скорбящим утешение подаючи, во вражде сущим мир от Бога низпосылаючи, сомнящимся же веры утверждение.

Услыши грешныя рабы Твоя, Пречистая, воздвигни нас на благодарственное Тебе славословие, да умножится вера людей Твоих, да прославится в них Твое заступление, да тако Царствие Сына Твоего посреде нас утвердится; Емуже подобает всякая слава, честь и поклонение со Безначальным Его Отцем, и Пресвятым, и Благим, и Животворящим Духом, ныне, и присно, и во веки веков. Аминь.

В  
ТОЙЖЕ  
ДЕНЬ



**Святаго праведнаго Стефана Милутина,  
короля Баньскаго, Сербскаго**

Тропарь, глас 3:

**Т**ы на земли вседушно Христа возлюбив / и Того заповеди соблюдая, / яко река, благоутробием изсохших нищетою богато напоил еси / и люди своя снабдел еси, / и рака мощей твоих благоухания цельбы всем подает, / сего ради, святе, молим тя, / изпроси душам нашим велию милость.

Кондак, глас 4:

**Я**вился еси от корене благого / отрасль преславная отечеству своему и прародителем своим, / новообразен подобник бываеши / и людем своим являешися утварь прекрасная.

